

萬里關山難。倏然風利帆歸島，鳥啼花放橋聲浩，觸碎珊瑚拉瑟聲，龍王亂撒珍珠寶。有時變節非絲竹，忽又無聲任剝啄；雨雨風風海上來，蕭蕭落落燈前簇。突并千聲歸一聲，關山一雁寥天獨。萬籟無聲海不波，銀河轉上西南屋。嗚呼！誰言隔海九萬里，同此海天雲月耳。膝前況立雙童子，一雙瞳子翦秋水。我昔夢蓬萊，有人長似爾。鞭騎么風如竹馬，桃花一別三千紀。嗚呼，人生幾度三千紀。海風吹人人老矣。

香港島觀海市歌

香港島在廣東香山縣南緣水洋中。諸嶼環峙，颶風宜消，故英夷建焉。登樓舍樓觀如澳門，惟樹木鬱蔥不及焉。予渡海往觀，次晨甫出港而海中忽涌出數山，回顧香港各島，則銳者圓，卑者盡，盡失故形，若與新出諸山錯峙。未幾山漸離水，橫於空際，交馳互驚，漸失巒嵒，良久化為建城如大都會，而海市成矣。自寅至巳始滅。幻矣哉！讀我奇懷，醒我塵夢，生平未有也。其可以無歌。

山邪雲

城邪人，胡爲兮可望不可親？豈蓬萊宮闕秦漢所不得見，而忽離立於海濱。豁然橫互兮城門，市廛樓閣兮兼郊闈。中有化人中天之臺千由旬，層層級級人蟻循。龍女綃客闌干捫，珊瑚萬貝填如雲，貿易技巧紛詐諛。南市罷，農市陳，農市散，軍市屯，漁樵耕饅春樹宿，盡本掩映千百數。旗幟車騎敗符圖，蠻君鬼伯甲冑紳。合圍列隊肅不喧，但有指揮無號令，招之不語揮不噴。森森鱗鱗，靈靈錯錯，若非天風漸薄吞，不知是奇角怪何時

混。俄頃樓臺盡失破陀存，但見殘山臘樹斷橋隻獸一一漸入寥天痕。吁嗟乎！世間之事無不有，世間之物無不朽，影中之影夢中夢，造化丹青寫生手。王母雙成今老醜，蟻王舉國爭者狗。若問此市有無與幻真，三世諸佛壁挂口。龍宮怒鼓風濤噴，回頭已入虎門右。

京口琴娘曲

順治二年，北固山楊公同曉有女子題詩，自言台州人，衛氏字琴娘，嫁三月而遭兵難，掠入淮河，乘間逃匿，至此死焉。事載邑志。道光二十年庚子，予奉檄濬徒隔河，視事情，詩以悼之。

山下江濤撼樓櫓

閣下花亞紅禽語。紅禽樓下逐花飛，樓上紅飛墮樓雨。琴娘昔日天台嫁，才名豔絕東甌下，卷畫溪頭並蒂長，浣紗江畔聯襟夜。鯨鯢唐突雲翻月，蜂蟻登城一旅雪。何意樓頭風吹聲，一旦馬上驚啼血。紅旗閃陣濁河頭，弓鞞破樓清淮流。駝囊瀉酒駝鞍啜，鬼妾呻吟鬼馬愁。蠻龍帳裏蠻絃語，春雁秋鴻亂無序。虬髯莫覓崑崙奴，筓拍欲同青冢女。黑雲壓帳三更夕，星月無光辨巾櫛，偷窺出壘萬死生，鎚逃虎口真奇策。野田積水淮南道，日乞窮途夜青草。娉婷秋月缺難圓，爛漫春雲竟誰掃！雲煙冥歷天如弓，關山不見去來鴻。猿驚雁怯江聲近，鶴寡鸞嬌月色濃。北固山頭半城雪，西陵渡口行人絕。冤禽叫下上山雲，鬼鳥啼紅寺門血。阿爺生我阿娘慈，袖中團扇妾郎詩。君生妾死君休問，妾死君生君不知。風風雨雨摩山壁，字字行行帶淚題。豚魚吹浪江生風，雲霓爲佩月